

declined by degrees, till it came to be of a common rate with that of others. He can't do so good a days work now as he was wont, but has almost recovered his wonted strength again.

Bury, Jun. 26. 1700.

---

*VI. Responsio Almi Collegii Romanorum Archiatrorum ad Epistolas Clarissimi D. Raymundi Vieussens Medicinae Doctoris Monspeliensis, in qua potissimum agitur De existentia Salis acidi in Sanguine, & De Proportione principiorum ejusdem Scripta Per Jo. Mariam Lancisi olim. S. D. Innocentis XI. Med. a Secretis & nunc Archiatrum Collegialem, & in Romano Liceo Theorice extraordinariæ Professorum.*

*Clarissime Vir,*

**E**Tiam si pro tua singulari sapientia nobis, & Orbi apprime jam nota, ipse abunde per te sapis, Eru- diitissime Vir, nec alienis eges consiliis, tamen cum plerumq; fieri soleat, ut aliena rectius, quam nostra per spiciamus, merito tu alios in Consilium vocas rei, vel eo arguento abstrusissimæ, quod nobilissimus Boyle eamdem fire intactam, certe imperfectam reliquit. Legimus magna sedulitate summarium edendi per te operis, & gratulamur, non tibi solum, sed universæ quoq; Literariæ Reipublicæ, si aliquando aliquem inde Collectura sit fructum. Dolemus interea feram per nos ad te respositionem transmitti, & multo satius discruciamur, quod unica hæc nostra tribus ad nos datis Epistolis sufficere debeat. Sed hujusmodi tardita-

tem

tem non modō non negligentiae nostrae, sed ne occupationibus quidem tribuas, quæ, & si summae sint, tamen nullæ esse possunt tantæ, ut nostra erga te officia admidum valeant retardare.

Hujusce Mora in causa fuit, partim, quod tardius quam par erat, à Tabellario Gallico (cum quo nullum alioqui nobiscam commercium esse solet) priores. Literæ tuæ redditæ fuerunt ; partim etiam, quod, ut sententiam nostram tibi aperiemus, nonnulla tentamina chymico-mechanica præmiætenda erant, que, ut ipse judicare poteris, non modicum temporis insumpserunt : Verum à proloquio aggrediamur ad rem, ipso tamen in limine monentes, nos ad te, tamquam ad virum ingenuum ingenuos scribere ; ita enim, omni semotâ assentatione, futurum arbitramur, ut neq; nos suafissè, neq; te consultum fuisse pæniteat.

Imprimis igitur, ne nobis, tuam luc transmissam Chymicam Sanguinis Analysism, & superstructas meditationes candide ad examen revocantibus, ullæ occurrant ambages, patiaris, rogamus, ut protensum ordinatumq; tuorum experimentorum progreslum, in duo potissimum restringamus Problemata, quæ nostræ hujus responsionis Scopus erunt : Quærentes Scilicet prius, an præter sal acre, & alchalinum, volatile, & fixum, ullum sal acidum, & an qui tuâ industriâ ab humano sanguine Spiritus acidus elicit, eidem circulanti sanguini præextiterit ? Posterius verò num proportio, quam partes sanguinis à natura inter se quantitatis, & ponderis habent, ullâ arte ad certas regulas reduci pessit ? Ea enim, quæ de bilis destillatione, diversaq; cum acidis miscela scribis te expertum fuisse, accuratum seculi genium imitant, omniumq; proindè Medicorum Calculum, fore ut sint promeritura speramus.

Et quantum ad prioris attinet Problematis solutionem, tecum fatemur solidum esse errorem, sal acidum à gansuine separari non posse : qui enim hoc negant,  
sup-

supponunt acidum sanguini non inesse: esse autem vel ipse docuit Hippocrates lib. de Vet. Med. & quod omni plus valet Auctoritate, multæ rationes, atq; obvia plurima experimenta apertissime convincunt: etenim Sal Marinum, aliaq; multigena Salia acida p̄fissim cum cibis, & potibus intra sanguifera infundimus, quæ, quamquam in statu naturali majori ex parte dulcificata volatilizentur per alchalinam, s̄pē tamen sit, ut in morbis, ad nativum fixationis statum restituta, secernantur a sanguine, & extra Corpus deriventur sub forma sudoris, salivæ, urinæ, aut aliorum ichorum; ad gustum evidentissime acidorum.

Neq; ullus dubitationi Locus esse videtur, quin Sal Marinum, quod inter acida reponitur, sanorum etiam Sanguini inexstat; si enim portio aliqua croris, e vena profidentis, super talci laminam extendatur ac sponte exiccanda relinquatur Curiosum exhibet spectaculum illam cernenti per Microscopium, duplex enim salis species occurrit, una quidem figuræ salis Communis, altera verò salis volatilis. Quinimo sanguis, in furno exiccatus, igniq; admotus, flammatum concipit cum strepitū, crepituq; marini salis, ut notat clarissimus Boyleus in Hist. S. H. qui ad titul. 22. ejusdem Historiæ pressius Loquendo, scribit se valida calcinatione <sup>Part. 2.</sup> tres, aut quatuor drachmas salis fixi Sanguinis extra-<sup>Epp. 4. pag. 10. pag. 18.</sup> xisse, quod comperit, ut exspectabat, ad instar Marini Salis. Jurè igitur constante, vel ad oculum existentia Salis acidi intra sanguinem, concludi meritò potest, idem sal acidum, obstetricante Chymia ab eodem sanguine extrahi posse. Accedit, quod cum nullus sit, vel hospes in Chymia, qui fætidum oleum à sanguine excludat, nullus pariter acidi existentiam in sanguine poterit inficiari, cum naturalem olei compositionem sulphureum acidum ingrediatur.

Dubium solummodo, quod hac super re nobis adhuc supereft, illud esse videtur, an liquidum, quod tu in prima

prima epistola Sal acidum particulari **Analysi ex fixo sanguinis** sale fecerit posse demonstras, & spiritum irritantem, atq; ipso Spiritu aceti acidiorum esse pronuncias, in totum, atq; integrè sit ex Sanguine, an potius aliis incurrentibus, vel admixtis in ipsa præparatione corporibus aliquid suæ aciditatis debuisse affirmandum sit. Te non fugiunt, Clarissime Vir, quatuor illæ regulæ, quas subtilissimus Cartesius proponit iis, qui humanis in scientiis errores vitare cupiunt, quarum prima, & postrema ad id collimant, ut nihil unquam certè verum esse admittamus, nisi quod certè, & evidenter verum esse competitus, & ut singulas occurrentium difficultatum partes ita enumerimus, & ad omnia circumspiciendo, nihil penitus omisserimus: hæc enim methodo omnis præcipitatio, aut anticipatio in iudicando, ut idem concludit, diligentissime vitabitur. Hæc sane monitum te superfluum putaremus, nisiviam sternerent ad roborandas difficultates, quas nunc sumus exposituri.

In dissert.  
de Meth.

*Tit. 2.*  
*Secund.*  
pag. 36.

Quamquam nonnulli ex chymicis cæcâ quadam in parentes fide constantissimè tueantur, ignem, in Spagyricis destillationibus rebus ipsis admixtum, illarum texturis haud irretitum iri; ingenuus tamen, atq; æquè experientissimus Boyl. Non solum in Chymiâ. Sceptico, sed strictius part. 4. Supradictæ histo. agens de Chymicâ Sanguinis analysi, aperte fatetur, sibi non constare, num frequentibus destillationibus, particulæ quædam ignis non possint identidem associari particulis destillati Liquori. Et cum nemo sit, qui ignoret, ignem esse acidum sulphureum, nemo sane hac de re ab omni se liberare poterit suspicione, nimirum ex Cartesij monitu, certe verum affirmare nequibit, spiritum acidum, qui a sanguine calcinato mediante igne reverberii elevatur, aliquam saltē suarum constituentium partem ignis miscelæ nequaquam debere. Neq; vero hujusmodi objectum diluitur per illud, quod tu subdis tentatum experimentum calcinandi sanguinem ad nudos

dos solis radios ; ij enim, & probe nosti, & ignis sunt, & ignem accendent.

Quid ! quod cineres post calcinationem Libero aeri expositi ab acido ambientis sale multum possunt mutari. Sed mittamus hæc, ponentes pro certo, quod circa ignis apud corpora destillata mixtionem, & circa haustum acidi spiritus ab aere, nos adhuc tenet in ancipi. Ad id veniamus, in quo omnes Chymici unanimiter consentiunt, & tu quoq; Claris. Vir in scheda, prælo commissa & postreme ad nos missa, publice profiteris Terræ omnes bolares spiritu gaudent acidulo, quo fit, ut, si ipsæ seorsim a quovis alio corpore, per retortam destillentur, acidum spiritum de se emittunt. Quis igitur attente animadvertis modum quo tu a fixo sanguinis sale, spiritum, aceti spiritu acidiorum separas, maximo statim jure non suspicabitur, acidissimum hunc spiritum non solius sanguinei salis fixi, sed duplæ majoris boli partis, qua in distillatione admisces, prolem habendam esse ? Atq; ea quidem ulteriori cum ratione qua chymici solent ex marino, exempli causa, sale eo copiosorem acidum spiritum elicere, quo majorem boli molem eidem admiscuerunt. Adeo vera sunt, & boli miscelam ad acidi spiritus productionem, ac multiplicationem plurimum conferre, & neminem certe affirmare posse, id quod a mixtura fixi sanguinis, salis, ac boli Chymicis ex organis profluit, totum ab alterutrius textura solummodo derivare.

Sed inquis, Vir Clarissime, si vos firmum ratumq; habetis, humano sanguini marinum præ cæteris naturaliter inesse, modum saltem ostendite, quo citra novi corporis additamentum, acidus spiritus ab eodem elevari possit ? Profecto, ne tecum tenaciores videamur nostrorum experimentorum, quam viris congruat ad libertatem natis, fatemur, nos, animo revolventes, bolum distillandis acidis salibus eam ob causam admisceri, ne igne fundatur, fusaq; Spirituum ascensum præpediant, statim cogitasse, num boli lo-

cum in extrahendo acido sanguinis spiritu, ipsa damnata sanguinis terra, salium particulæ ut cumq; disgregans, satis tenere posset. Qua de re diligentissimus ex nostris Artifex Franciscus Piotti. Sumpsit feces illas subobscuras, lucidasq; sanguinis, quæ post destillationem omnium partium volatilium in retortæ fundo inveniuntur, quæq; marino præsertim sale sunt gravidæ easq; in vitream, humilioremq; retortulam, solas transfundit : ita enim, reliquis ex arte concinnatis, spe nostra minime fuimus frustrati, nimirum igne reverberii fumus ascensit, qui resolutus est intra recipientis fundum in guttulas liquoris moderati acidi, cum aliis acidis nullo modo ast cum alchalicis evidenter luctantis, in qua certe operatione dubitari non potest, quin acidum, quod a prædicto efluit capite mortuo, sit ipsius sanguinis incola, cum nullum corpus advena præter ignem eidem admixtum fuerit.

Neq; id circo in controversiam ponimus acidissimum illum, tua industria elicitum spiritum, ut superius obiter tetigimus, aliqua saltem exparte ab ipso sanguinis sale profectum fuisse : Etenim tecum fentimus, Sal fixum humani sanguinis non esse unius simplicis naturæ, sed androgynum, mixtum, nempe ex acido, & alchali. Et quoniam ea est fixi salis alchalici texture, ut igne reverberii, strictissime cohærens, vitrificetur potius, quam Atomum de se elevari substineat, & monet etiam Hoffman ex in de eadem facile tollitur difficultas, quæ circa destillationem fixi sanguinis salis, minus in chymia peritis occurrere posset ; scilicet unde fiat, ut ex cinere humani sanguinis, apparenter alchalico, acidus tamen spiritus sublimes : Partes siquidem salis alchalici fixantur magis, & pene vitrificantur in retorta, dum reliquæ acidi salis particulæ elevationis motum acquirunt.

Sed quid adhuc immoramus in re, de qua longius tecum agere, idem profecto est, ac sus Minervam,  
&

& ululas Athenas? Alterum jam nos Problema sollicitat, cuius porro solutionem quamquam ingenium tuum, immortalitati, rebusq; arduis natum, miris modis, summo labore, ingentibus studiis, ac repetitis experimentis, tentare aggressum fuerit; nihil omnino, num omnis ideo superata sit, aut superari possit difficultas, maximo pere dubitamus: Et enim quamquam proportio partes inter constituentes, & massam ipsam integrum sanguinis revera inveniat in singulis individuis, individuam operationem, attamen unam universalem, certamq; istius proportionis normam quæ cunctis Congruat singularibus Sanguinibus, inveniri posse verosimile magis, quam verum arbitramur.

Et sane multa sunt argumenta nostro quidem iudicio, quæ hujusmodi proportionem nobis in aperto venire posse, omnino impossibilem reddunt.

Primo quidem apud omnes Mechanicos, & Arithmeticos indubitatum est Axioma, veram proportionem ponderis partium ad totum, seu e converso aggregati ad aggregantia haberi non posse, quin certo nobis constet pondus totius, & partium seu pondus aggregati, & aggregantium. Sed hic, exuta quavis præ occupatione, neminem certe putamus futurum liberæ mentis, qui non cognoscat, & fateatur difficultatem, & impossibilitatem evidentiam istorum ponderum: etenim quantum spectat ad totum nempe sanguinem, quis est, qui non videat certam, ac determinatam crux mensuram, eandem in omnibus, haud inveniri, cum vel in singularibus ægre satis inveniatur? quo fit, ut Scriptorum aliqui Libras crux 8. alii 20, alii 22, alii plures, alii minores admittant in homine. Neq; vero hujusmodi difficultas extrahendi verum sanguinis pondus, ulla arte vinci potest, cum non tantum varient, ac diversi fi centur ab inuicem continentium canalium Diametri in singulis individuis, sed quod pluris est, totus ac universus sanguis ab homine etiamsi fauciatus fuerit in jugulo,

gulo, exhaustiri nequit ac proinde ad lancem venire non potest : tot enim sunt Canalium obliquitates, viscerum an fractus, ac præsertim tanta est vasorum venæ portæ amplitudo, quæ a Cavæ ramis, toto hepatis interpos ito aggere, distat, ut multus sit sanguis, qui vel in ipsis macratis, & per pedes suspensis animalibus supereft in Abdomine.

Neq; verò ad infirmandum robur nostrri argumenti valet subterfugium, quod nempè ad obtainendam scientiam proportionis totum inter, & partes, satis sit nosse particulare pondus unius molis, toti similis, & nosse deindè particularia pondera principiorum dissimilium, sed aggregantium unam molem, toti similem : Scilicet, quod in casu nostro æquè benè attin gere possimus normam proportionis, quæ sanguinem inter, & sua principia intercedit, si exactè scriverimus verum pondus aliquujus saltē molis sanguinis, simulq; noverimus particularia pondera dissimilium principiorum, eamdem molem aggregantium etenim (quidquid sit de validitate istius hypothesis in fluidis, certam gravitatem specificam habentibus) maxima difficultas versatur in determinando vero pondere unius molis sanguinis, toti similis, & in detegenda eadem in singulis proportione principiorum dissimilium sed aggregantium supradictum molem sanguinis. Et prius quidem, quia specifica gravitas humani sanguinis difficilius, quam quis sibi singit, stabiliri potest, ut ad rem nostram, post Sanctorium, scribit Boyl, ea enim variat eodem in homine diverso anni, & diei temporē, vel quod majori, minorive ab assumpto cibo intervallo extractus fuerit. Quid non etiam arteriosus a venoso, & venosus cavæ a venoso portæ multo specificæ gravitatis discriminé in ter se distant ? Non igitur certo constare nobis potest, vel pondus totius sanguinis in omnibus, aut in singulis hominibus

vel

vel specifica gravitas cujuscumque molis ejusdem fluidi.

Posteriorius vero multo adhuc minus haberi potest, aut determinari pondus singularium partium, aggregantium, vel universum sanguinem, vel particularem ejusdem molem, quia fieri non potest, quin ejusmodi partes, seu chymica principia, additione novorum corporum, igne nimirum, bolo, aut aere, vel detractione nativarum particularum, insensibiliter in auras avolantium, pristinum propriumve pondus, ac proinde veram inter se proportionem admodum varient : Ex quo factum Legimus, ut, cum praecitatus diligentissimus Boyle studuissest accuratam humani sanguinis destillationem, attamen, post quam singillatini extracta illinc corpora ponderasset, evidentem in iisdem mul- Loco su-  
pracit. Append.  
pag. 72.

tarum drachmarum defectum observaverit : Atque idcirco paradoxum jure vocat, quod Chymici nobis imponere satagunt, in destillationibus, accurate factis, se parata corpora ad totius pondus exactissime recurrere. Neque vero, dum haec affirimus Boylii, aliorumq; ingenuornm Scriptorum fidei dumtaxat innitimus ; tentata namq; per nos etiam sedula quantum fieri potuit Spargyrica humani sanguinis anatome, seperatae partes, pondus toti æquale, minime reddiderunt. In unicis enim septem, & drachmis septem sanguinis post destillationem, plus semiuncia desideratum est. Idquod procul dubio tuis etiam in experimentis configisse suspicamur. Cum igitur ut verum neq; totius, neq; partium sanguinis pondus nobis liquido constare possit, nulla pariter vera proportio, quæ illa inter corpora intercedat, nobis cum spe aliqua quærenda supereft.

Accedit deinde impossibilitati exparte artis, certum pondus totius, & partium sanguinis attingere nequeuntis, ea impossibilitas, quæ oritur ex parte naturæ ipsius sanguinis, qui, cum indeo non sit idem in singulis, frustra ab eodem proportionem petimus, quæ om-

omnibus hominibus congruat, & commensuretur. Differt enim natura a natura, ut aiebat Hippocrates, nempe juxta diversa alimenta ætates, regiones, anni tempestates, sexus, animi pathemata, corporis exercitationes, ac potissimum viscerum structuras, ac fermentorum vires, diversa oriuntur in hominibus temperamenta, quæ varium, longeq; diversum in uno, quam in altero sanguinis Componentium excessum, aut defectum (quod idem est, ac proportionem dixisse) & significant, & supponunt. Exinde fit, & hominum tum mores cum morbi tanto intervallo inter se non modo distent, sed commutentur. Neq; vero multis opus est, argumentis ad probandam facilem variationem Componentium Massam sanguinis in uno, quam in altero individuo, cum, te afferente, vel unicum granum cum quadrante salis volatilis humani sanguinis integrum libram aquæ stillatæ perturbare, & novam in eadem proportionem unius ad undecim mille quingenta viginti quinque inducere apta fuerit. Hæc sane multorum inter sanguinis discriminationi, quæ nemo sensatus inficiari potest, abunde confirmantur ex Vino, & Lacte, quæ cum sint fluida ethereogena, & sanguini admodum analogæ, a regione solo, anni tempore, atq; ætate, suis in componentibus eiusq; alterantur, & nullam certe veram proportionis regulam, quæ singulis Competat, possint admittere.

Postremo enixe petimus, ut relictis generalibus hypothesibus, sedulo per pendas expositam a te proportionem drachmæ Salis fixi ad Libras 50. Sanguinis, ex quibus sal extractum fuit (mittimus enim hic tot Libras cruxis non unius, sed plurimorum hominum, forte etiam ægrotantium, e venis fluxisse, quod multum alterare potest normam proportionis naturalis cunctæ proportionem compares cum illa scrupulorum) quin-

quinque ejusdem salis fixi ad solam Libram unam sanguinis a laudatissimo Boylio diligenter exposita ; Comperies enim, mirum dictu ? Non solum proportiones istas non esse similes, sed ita inter se differre, ut proportio Boyliana salis fixi ad sanguinem superet fere decies proportionem salis fixi ad sanguinem per te enunciatam. Quid ? Quod hic Romæ proportionem ab utroq; vestrum longe diversam invenimus. An vero hujuscē discriminis causa referenda sit integre in diversas sanguinum indoles ; an etiam in varias præparandi formas, ac vias, quibus Londini, Monspelii, ac Romæ itum est, aliorum esto iudicium : interea, satis nobis erit, hoc non minuere argumenti pondus, quod utrinque validissime urget : vel enim in diversa sanguinum temperamenta, vel una etiam in diversa artificia refundantur discriminis, perpetuo ipsa insuperabilis varietas infidam reddit quæ sitam a nobis proportionem. Sed quantum abstrusa, ac recondita sunt naturæ Mysteria ! quorum nonnulla fateri se scire non posse, humanæ partem sapientiæ Scaliger existimavit.

Cæterum hortamur, ut, quæ circa humanum sanguinem, strenue moliris, experienta, non quidem ad inveniendam præfatam, quam invenire prohibemur, componentium proportionem, sed, pari animi tui magnitudine, & feliciori forsitan exitu, ad exornandam Chymiam, & ad perficiendam praxim Medicam, quo totæ Medicorum lineæ collimare debent studiōsissime diu vivas.

Interim quas nobis clarissimorum Virorum fides transmisisti, tuæ potius virtutis, quam tuæ innocentia testimonia gratulantes accepimus ; nec enim alienæ veritatis face tua indiget sapientia, quæ tibi æque fulget, & aliis : miramur tamen Clar. D. Chirac ingeniosis ad inventis alioquin prædivitem,

divitem, tuis invidisse Thesauris, ut, dum te **Lege** plagiaria damnare studet, ipsum in pænam talionis incidisse. Singulares in spiritu sanguinis acri proprietates, a te observatas, placeat nobis impar-tiri, ut miræ tuæ fæcunditatis apud nos æstimatio major adhuc super maximam adolescat. Vale Nestoreos Annos, Vir Doctissime, & nos, ut facis, ama.

Datum in Aula Magna Romanæ Sapientiæ Kal.  
Februarij 1699.

---

#### VI. An Account of Books, viz.

1. *Dissertatio anatomico-medica de motu biliſ circulariſ ejusq, morbiſ quam publice olim habuit Mauritius van Reverhorſt Medic. Cand. Lugd. Bat. nunc professor anatomicus Haga-Comitis in 8o. pag. 64.*

**T**HIS is a 2d Edition of a Disputation concerning the circulation of the Bile or Choler, in which is an Anatomical Description of the Liver and all its parts, illustrated with a Figure of its internal and external Lymphaticks. The Author thinks the grosser part of the Bile goes along the Guts with the excrements, and that the more volatile enters the Mesaraic Veins, and with the venous Blood goes to the *vena porta*, from thence to the Liver, in whose Glandules 'tis separated, and from thence Fait is carried again into the Guts by the *Ductus Cholidochus*, from whence part returns into